

fol. 31
5. 1. 1002

CONCLVSIONES

M E T A P H Y S I C A.

Quæstio disputanda.

An diuina perfectiones mutuo inter se formaliter inclusa virtualem distinctionem sortiantur?

P R A E E R I T P. G E O R G I V S C A B R A L,
E Societate IESV.

Tuebitur Lopo Dabreu ex eadē Societat. integro die Saturni 17. Mar.



C O N I M B R I C A E.

*Ex Officina Didaci Gomez Loureyro Academia
Architypographi.*

Cum facultate Inquisitorum, & Ordinarij, Anno 1607

C O N C L V S I O P R I M A .



Ornali entis conceptui unus obiectiuus nō re, sed ratione prae-
cisus adæquate correspondet; permutationē expressi conceptus
in confusum præscinditur: vice versa ad inferiora determinatur;
licet ens sub ea abstractione cōsideratū modos, quibus diuiditur
actu non includat, obiectui in conceptus inferiorum in plures
virtute distinctos resolui nequeunt. Duplice vendicat analogia,
per attributionē s. & proportionem: banc illa semper antecedit:
quauis materialiter interdum coincident, formaliter tamen
distinguntur. Vtraque ex inæquali habitudine ipsius entis ad
particularia dimanat. Tres duntaxat passiones enti attribuiū-
tur: quarum unitas reliquias naturæ ordine, veritas bonitatem
præcedit; ipsi nihil addum positiuum, & intrinsecum nec rati-
one distinctum: entitatem non dicunt de formalis sed negationē,
vel respectum ad aliquid extrinsecum. Triplicē tantum mita-
tem, sicut triplices distinctionis genus recognoscit; virtualis est
illa, quæ inter gradus metaphysicos reperitur, vt detur pluritatem formalium cognitionū non requirit: nū
ab intellectu diuino effigi queat, optio datur argenti, si ipsam efformet, non decipietur. Unitas transcen-
dens, cui diuisio in se adæquate opponitur, cū numerica conuertitur, & per modū priuationis consideratur.

C O N C L V S I O II .

Theologus naturalis ens increatum præcipue contemplatur, quod sit unicū, actus purus, & omnino sim-
plex tum à priori, tum à posteriori demonstrat: evidentem de ipso, quoad an est, cognitionē acquirit;
Species tamen naturalis clare Deum repræsentans omnino repugnat, quæ repugnantia, ex defectu
potentiae, obiectiū improportionē adæquate oriuntur. Supernaturale tamen intuituam, non verò abstractiuam
admittimus, nulli intellectui etiam creabilis connaturalis esse potest: partiale duntaxat principium respectu
visionis beatificæ censemur; Ad illā vt ad formam naturale appetitum ne incompletum quidē in homine ag-
nosco, secus dicendum, si tanquam obiectum accipiatur. Proprium Dei conceptum, tam complexum, quam
incomplexum efformare possumus, qui speciem memoratiuam post se reelinquet. Primi entis attributa nullo
termino finiuntur, alia sunt positiva, alia negativa, hæc de formalis negationē, de cōnotato verò perfectionem
positiuam ab alijs virtualiter distinctam inuoluunt. ipsius Dei quidditatē intime ingrediuntur: An inter
se mutuò formaliter includatur, & si concedatur, adhuc inter ipsa virtualis distinctio intercedat, pro arguen-
tis arbitrio decidatur.

C O N C L V S I O III .

Duina scientia in naturale ac liberam bipartitur: naturalis est Deo essentialis, primario ad substantiā
diuinam, secundario ad creaturas possibles terminatur; in ordine ad primarium obiectum intuituam
& contemplatiuam, in ordine ad secundarium abstractiuam, ac practica nuncupatur; Prius enim Deus se ip-
sum speculatiuam quam practicè seu qua exemplar cognoscit. Creaturæ tamen possibles prius à practica, quā
à contemplatiuam notitia attinguntur. Libera, que solum per denominationē ab obiecto libero talis appellatur,
intuituam, & conditionatam cōprehendit, qualibet Deus carere potuit, non tamen omni: utraq; natu-
ralis antecedit, illarūq; obiecta omnino exhausta; non omnia tamen, quæ cōditionata attingit, absoluta cog-
noscit: An verò hæc aliquid percipiat, quod ab illa non apprehendatur, disputationi committo. Ex diuino in-
tellectu, qui deitatem in certo gradu reponit perfectissimam in Deo dari voluntatem à priori demonstratur;
Eodē indiuisibili actu, quo primarium obiectum amat, ad secundarium absq; nullo reali augento liberè, vel
necessario iuxta ipsius obiecti capacitatē extenditur; quauis ab æterno tendentiam actus ad obiectum liberū
sine illa mutatione cohibere posset, si tamen aliquid in tempore vellet, ut cognosceret physicè mutaretur.

C O N C L V S I O . IIII .

Ex quolibet effectu diuina potentia Metaphysico innotescit, quidquid non implicat contradictionem, in
obiecto eius ad equato coeretur; vt sic potentia præcedit, licet qua possibile subsequatur; ab obiecto
ipsa non pendet, nec ad illud entitatiū ordinatur, sed necessariam causalitatis connexionem cum illo
habet. Præcipua diuina potentia actio est creatio, ita Dei propria, vt nulli creaturæ (etiam vt instrumento)
connaturalis esse possit: num ad illam eleuari queat, licet affirmatiuam pars arrideat, oppositam etiā defende-
mus. Ens reale in actuale, & potentiale cōmuniter diuiditur: illud à potentiā per suammet entitatē distin-
guo, quauis essentiam ab existentia modaliter separarem. Essentia possibilis reale esse vendicat, ac positiuum:
diuinam tamen potentiam non actu causantem respicit, sed potentem causare, ad quam vt sic trascendentiale
habet habitudinem, ab illaq; esse possibile fortitur. Creaturæ esse eminentiale in Deo obtinent, quod ab ipsius
Dei entitate nec virtute separaro: idem de potentia diuina asseuerandum.

26

CONCLV SIO V.

Decem prædicamentorum classes totam entis latitudinem (Deo excepto) comprehendunt: in qui ^{etiam} Christus Dominus sedem obtinet. Ens finitum in substantiam, & accidentis analogice distribuitur; omnis substantia quolibet accidente etiam supernaturali nobilior censetur; substantiam per suammet entitatē subsistenter, aut operantem, si diuina excludatur, fictitiam duco, an aliqua ex forma, & materia, coalescere queat, & utrum, si detur, corruptibilis foret, disputanti cōmitto. Eandem numero naturam pluribus terminari subsistit entis nulla vetat implicatio; humanitas Verbo unita ad propriam inclinatur substantiam, quæ cum natura diuisibili diuisibili, cum indiuisibili indiuisibili existit; à generante fiat, an resultet à natura, disquiratur. Substantia voluntua, & non intellectua, aut è contra proposito implicat, sicut potentia libera, quæ simul activa, & passiva non sit. Voluntas creata, in qua libertas formaliter inuenitur, nec quoad specie, nec quoad exercitium libera censetur, nisi in obiecto, & actus exercitio aliqua mali ratio appareat quoad attus ab ipso elicitos cogi nequit, quanvis de imperatis aliter sentiendum.

CONCLV SIO VI.

Voluntas à se ipsa quoad exercitium, à diuina voluntate quoad individuationem actus (salua libertate) determinatur: absque prævia intellectus cognitione operari nequit; si apprehensiva tantum præcedat, per actum complacentie non verò efficacem in obiectum feretur. Materialis notitia, nec diuinus voluntate ducere valet; utrum intellectua sensitivo appetitui sufficiat, quæstio esse potest, quæ pro utraq; parte discutiatur. Habitus per actus, & obiecta discriminantur: potentia solum immanens, & aliquo modo indifferens, eorum capax censetur; à quolibet actu proporcionato etiam remisso quoad substantiam effectuè producuntur. Dari habitus supernaturales sola fides testatur, inter se physice non contrariantur; actibus esse præstantiores non dubito; unde solum per ipsos meritorie accrescent, & demeritorie corrumpuntur; potentiae, quibus insunt, non tantum facilitatem, sed etiam potestatem ab illis mutuantur: secus de naturalibus sentiendum.

CONCLV SIO VII.

Habitus simul cum potentia, cui inherenter, ab substantiam actus effectuè concurrunt, dummodo in natura sint similes ijs, à quibus geniti sunt, vel in eis virtute continentur; illi tamen gradus, quibus actus habitum exceedit, ab ipsa tantu potencia dignuntur: unde duplex actio numericè distinguita in actu reperitur. Scientia cōmuniter sumpta in practicam, & speculativam adæquate, & essentialiter distribuitur, quæ quidem non ex fine addiscit, sed ex obiecto formal, & fine ipsarum intrinseco discrimen sortiuntur; Habitus duntaxat supernaturales, & actus adæquate practici, & speculativi esse possunt, quod naturalibus denegatur. Omnis praxis suapte natura libera censetur: unde si Deus omnia necessariò efficeret, nec intellectum, nec voluntatem habitum opinamur; opus, quod notitia practica dirigit, esse debet factibile ab eo, qui talem notitiam habet. Species obiectorum repræsentatiuae sunt, secus tamen in habitibus philosophandus, quanvis actus iudicatiui representent.

CONCLV SIO VIII.

Preter vulgaria decem prædicamenta aliud non assignabitur. Substantia completam non actiuam, aut completam materiam quantitatis, & compositionis physicæ expertem non admitto; completa corpus, & spiritum adæquate comprehendit; aliam intermedium, fictitiā puto. Angelos esse hominibus essentialiter nobiliores nemo ambigit; sub qualibet eorum specie plura individua collocantur; infallibiliter, ac sine discursu futura extrinsecè contingentia percipiunt, libera tamen quanvis præsentia prorsus ignorant. Potentiam motricem ab intellectu, & voluntate realiter distinctam sortiuntur: nihil præter localem motū, vel impulsu gignere possunt: num motus localis à motu ipsorum potentia, an ab impulso immediate oriatur; questioni trado; loco per se mouentur, & ubi acquirunt diuisibile, si spatio diuisibili, & diuisibile, si diuisibili corrispondent, quæ inter se specificè distinguntur.

CONCLV SIO IX.

Rationem formale accidentium, quæ subiecto intrinsecè inherenter, aptitudinalis, non verò actualis in herentia ingreditur: hanc esse unionē cum ipsis identificatam nullus inficiabitur, per quam subiecto copulantur, & ab illo materialiter dependent, utrum actio, per quam educuntur, hoc munus præstare posse, haud improbabile iudicamus. Forma int̄esibilis partes vendicat, in quarum augmento, & decremēto per ordinem ad eandem subiecti partē intensio, ac remissio essentialiter consistit, quæ duntaxat qualitates non tamen omnes cōnitantur; unde quantitas, & substantia nec diuinitus intendi queunt. Partes intensiue, ac extensiue eiusdem formæ ex natura rei non distinguuntur; idem de motibus, quibus acquiritur, assuerandum puto. Nullus modus coniunctione actualē cum subiecto essent ialiter includit; inherentiam esse complementum accidentis, ances quæstio, quæ pro utraq; parte ventiletur.

Quæstionem dirimit secunda Conclusio.

